




ԹԵՄԱԿԱՆ ԿՅԱՆՔ

ԱՐԱՐԱՏՅԱՆ ՀԱՅՐԱՊԵՏԱԿԱՆ ԹԵՄԻ ԱՌԱՋՆՈՐԴԱԿԱՆ
ՓՈԽԱՆՈՐԴ ԳԵՐԱԾՆՈՐՀ Տ. ԳԱՐԵԳԻՆ ԵՊՍ.
ՆԵՐՍԻՍՅԱՆԸ ԱՄՆ-ՈՒՄ

Սույն թվականի ապրիլի 26-ին, Ամենայն Հայոց Հայրապետի բարեհաճ կարգադրությամբ և ԱՄՆ-ի հայոց արևմտյան թեմի առաջնորդ Տ. Վաչե արքեպս. Հովսեփյանի հրավերով, Ամերիկայի Միացյալ Նահանգներ մեկնեց Արարատյան Հայրապետական թեմի առաջնորդական փոխանորդ Տ. Գարեգին եպս. Ներսիսյանը՝ մասնակցելու արևմտյան թեմի հոգևորականաց, տիկնանց և թեմական պատգամավորական տարեկան ընդհանուր համաժողովին, որը տեղի պետք է ունենար ապրիլի 30-ին Սան Ֆրանցիսկոյի մոտ գտնվող Օքլանդ քաղաքում: Սրբազան հայրը իր մասնակցությունը բերեց վերոհիշյալ ժողովին՝ ժողովականներին փոխանցելով ողջույններ Մայր Հայրենիքից և օրհնություններ Սուրբ Էջմիածնից: Սրբազան հայրը ժողովականներին պատմեց Մայր Հայրենիքի հոգևոր կրոնական կյանքի մասին: Նախօրոք կազմված ծրագրի համաձայն, Գարեգին սրբազանը ս. պատարագ մատուցեց Օքլանդի և Սաքրամենտոյի հայ համայնքների եկեղեցիներում, ապա, ԱՄՆ-ի հայոց արևելյան թեմի առաջնորդ Տ. Թորգոմ արքեպս. Մանուկյանի հրավերով՝ Նյու Յորքի Սուրբ Վարդան Մայր եկեղեցում: Իր քարոզներում սրբազան հայրը տեղի հայ

համայնքներին փոխանցեց Վեհափառ Հայրապետի օրհնությունները և բարեմաղթությունները, ինչպես նաև Մայր Հայրենիքում ապրող իրենց քույրերի և եղբայրների սիրո ջերմ ողջույնները, հատուկ գնահատականի արժանացրեց այն եռանդն ու ղգին, այն գոհողություններն ու մերդրումները, որ կատարում են հայորդիները ի խնդիր իրենց ազգային գոյության պահպանման: Գարեգին սրբազանը մասնավորապես շեշտեց, որ ԱՄՆ-ում ապրող հայ ժողովրդի բոլոր զավակները պետք է իրենց սրտերում վառ պահեն սերը դեպի Մայր Հայրենիքը՝ Խորհրդային Հայաստանը, Սուրբ Էջմիածինը:

Ամենուրեք հայ համայնքները մեծ ցանկություն էին հայտնում իրենց մոտ հյուրընկալելու Ամենայն Հայոց Հայրապետին, փատահություն հայտնելով, որ նրա օրհնությունները և հորդորները նոր եռանդ և ոգի կներարկեն տեղի հայ համայնքներին: Համայնքների անկեղծ ցանկությունն է, որ ավելի հաճախ Սուրբ Էջմիածնից հոգևորականներ այցելեն իրենց, որ ավելի հաճախ Մայր Հայրենիքից արվեստի և մշակույթի գործիչներ տեսնեն իրենց համայնքներում, որպեսզի առավել սերտաձև կապը Մայր Հայրենիքի և Սփյուռքի միջև:



ԱՄՆ-ի հայոց արևմտյան գնացիկների խումբի անդամները

Մայիսի 6-ին Գարեգին սրբազանը Տ. Արիս եպս. Ծիրվանյանի և Սասուն աբեղա Ջմրուխտյանի հետ հանդիպում ունեցավ Կալիֆոռնիայի մահանգապետ պրն. Զ. Դոքմաճյանի հետ: Հանդիպումն անցավ ջերմ մթնոլորտում:

Սրբազան հայրը այցելեց մահ Հայ Բարեգործական Ընդհանուր Միության մայրաճահ տիար Ա. Մանուկյանին: Սրբազան հայրը տիար Ա. Մանուկյանին փոխանցեց Վեհափառ Հայրապետի ողջույնները և շուտափույթ ապաքինման բարեմաղթանքները: Սրբազան հայրը ողևորության ընթացքում հանդիպումներ ունեցավ արևել-

յան և արևմտյան թեմերի հոգևորականների հետ, ինչպես մահ Նյու Յորքի Ս. Ներսես վարժարանի սաների հետ:

Մայիսի 30-ին Գարեգին սրբազանը, ավարտելով իր մեկամսյա ողևորությունը, գոհումակ սրտով վերադարձավ Մայր Հայրենիք և Երևանի Ս. Սարգիս առաջնորդանիստ եկեղեցում քարոզի նյութ դարձրեց իր ողևորությունը, Երևանի հավատացյալներին փոխանցեց Սփյուռքի հայորդիների սերը և ջերմագին ողջույնները:

Տ. ԱՎԵՏԻՍ ՔԶՆ. ԴԱՆԻԵԼՅԱՆ

